

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-34-31724-1/22
Sarajevo, 03. 10. 2022. godine

13-10-2022

[REDACTED] 71000 Sarajevo BiH

PREDMET: Odgovor, dostavlja se

Cijenjeni,

obratili ste se Ministarstvu za odgoj i obrazovanje Kantona Sarajevo zahtjevom za odobrenje asistenta za pružanje podrške za Vaše dvoje djece s teškoćama koja pohađaju cjelodnevni obavezni program privatne predškolske ustanove [REDACTED] predškolski centar, te smo Vas informisali da Ministarstvo za odgoj i obrazovanje nema mogućnost da finansira stručni kadar u privatnim predškolskim ustanovama.

Nakon dostavljanog odgovora, ponovo ste se putem emaila obratili Ministarstvu zahtjevom za angažovanje asistenta u grupi za pružanje podrške Vašoj djeci. Dana 30. 09. 2022. godine smo Vam dostavili odgovor putem emaila u kojem navodimo da uvažavajući najbolji interes djece upišete djecu u JU „Djeca Sarajeva“, vrtić Dječiji grad u kojem ima slobodnih mjesta, a da će Ministarstvo za odgoj i obrazovanje dostaviti saglasnost Javnoj ustanovi "Djeca Sarajeva" da u skladu sa članom 110. stav (1) tačka h) Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“, broj: 24/22) angažuju asistenta u grupi za pružanje podrške djeci s teškoćama, jer Ministarstvo nema mogućnost finansiranja stručnog kadra u privatnim predškolskim ustanovama.

S poštovanjem,



[REDACTED]
MINISTRICA
[REDACTED]
Naida Hota-Muminović

Dostaviti:

1. Naslovu
2. a/a





Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-34-31724-6/22
Sarajevo, 11. 01. 2023. godine

[REDACTED], 71000 Sarajevo BiH

PREDMET: Odgovor, dostavlja se

Cijenjena, [REDACTED]

[REDACTED] nakon odgovora Ministarstva za odgoj i obrazovanje upućenog na ruke advokata [REDACTED] ponovo ste se putem emaila obratili Ministarstvu za odgoj i obrazovanje 06. 01. 2023. godine.

S tim u vezi, kao što spominjete u emailu Ministarstvo za odgoj i obrazovanje je uputilo akt svim privatnim predškolskim ustanovama na području Kantona Sarajevo, u kojem se privatne predškolske ustanove pozivaju na obavezu propisanu članom 54. stav (2) tačka a) Zakona o predškolskom odgoju i obrazovanju („Službene novine Kantona Sarajevo“ broj: 26/2008, 21/2009, 33/2021 i 31/2022) da je osnivač u obavezi osigurati plate i naknade zaposlenika, a asistenti u grupi su zaposlenici predškolskih ustanova. S tim u vezi, informišete nas da ste se u skladu sa našim odgovorom obratili privatnoj predškolskoj ustanovi „[REDACTED]“ da u najkraćem roku osigura asistenta u grupi za Vašu djecu. Nadalje, u emailu navodite da se asistenti angažuju Odlukom Vlade i da Vi niste tražili zapošljavanje stručnog kadra (nemoguće je da bez zasnivanja radnog odnosa asistent u grupi obavlja propisane zadatke u odgojno-obrazovnoj ustanovi). Želimo Vas informisati da Vlada Kantona Sarajevo daje saglasnost za raspisivanje svih javnih konkursa u javnim ustanovama, a Posebnim programom Vlade Kantona za unapređenje inkluzije u Kantonu Sarajevo data je saglasnost za prijem stručnog kadra (asistenti, edukator-rehabilitatori, logopedi, psiholozi) na neodređeno vrijeme u javnim odgojno-obrazovnim ustanovama. Nadalje, proces osiguranja stručne podrške djeci sa teškoćama, što podrazumijeva i angažman podrške asistenta u grupi/odjeljenju propisan je Pravilnikom o inkluzivnom obrazovanju („Službene novine Kantona Sarajevo“ 32/19).

Također, želimo Vas podsjetiti da smo Vas aktom broj: 11-03-02-34-31724-1/22 od 03. 10. 2022. godine upoznali da u JU „Djeca Sarajeva“ vrtić Dječiji grad ima slobodnih mjesta za Vaše dvoje djece, te da će Ministarstvo nakon upisa djece u navedenu javnu ustanovu istoj dostaviti saglasnost za angažovanje asistenta u grupi koji će pružati podršku djeci sa teškoćama.

[REDACTED] u potpunosti podržavamo Vaš izneseni stav da je važno pravovremeno osigurati stručnu podršku djeci sa teškoćama, stoga je Skupština Kantona Zaključkom broj: 15-04-1054-1/22 od 17. 02. 2022. godine prihvatila informaciju Ministarstva za odgoj o aktivnostima Ministarstva za odgoj i



obrazovanje sa prijedlogom mjera za unapređenje inkluzivnog odgoja i obrazovanja, te Ministarstvo za odgoj i obrazovanje preuzelo koordinirajuću ulogu u izradi Posebnog programa Vlade Kantona Sarajevo za unapređenje inkluzije, u kojem je prva propisana aktivnosti navedenog Programa uspostava centara za rani rast i razvoj u sastavu JU Dom zdravlja Kantona Sarajevo. Upravo, najvažniji period dječijeg razvoja je period od rođenja do polaska u školu, a u tom razvojnom periodu zdravstveni sektor ima nezamjenjivu ulogu, koja je dosada nažalost bila zanemarena.

U vezi Vaše zabrinutosti za upis djece u prvi razred osnovne škole želimo Vas informisati da je osnovno obrazovanje obavezno za svu djecu i da sva djeca bez obzira da li imaju uvjerenje o pohađanju obaveznog programa za djecu u godini pred polazak u školu imaju jednako pravo upisa u osnovnu školu, u skladu sa članom 5. Okvirnog zakona o osnovnom i srednjem obrazovanju u Bosni i Hercegovini („Službeni glasnik Bosne i Hercegovine“ broj; 18/03) citiramo:

„U slučaju sukoba prava, prednost se daje onom pravu, tumačenju ili djelovanju, koje će najviše koristiti interesu djeteta“.

S poštovanjem,



MINISTRICA

Naida Hota-Muminović

OTPREMLJENO

16-01-2023

potpis

Dostaviti:

1. Naslovu
2. a/a





Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-34-4316-2/23
Sarajevo, 28. 04. 2023. godine

PRIVATNA PREDŠKOLSKA ŠKOLSKA USTANOVA [REDACTED]
n/r direktora [REDACTED]

PREDMET: Odgovor, dostavlja se

Cijenjeni,

Ministarstvo za odgoj i obrazovanje je zaprimilo Vaš akt u vezi provedbe Rješenja Općinskog suda u Sarajevu broj 65 0 P 1019450 23 Mo od 29. 03. 2023. godine, u vezi dvoje djece sa teškoćama (M.A. i M.D.) i Instrukcije Ministarstva za odgoj i obrazovanje u vezi provedbe Rješenja Općinskog suda u Sarajevu.

S tim u vezi, informisali ste Ministarstvo za odgoj i obrazovanje da je Mobilni stručni tim za pružanje podrške inkluzivnom obrazovanju izvršio procesa opservacije djece i donio preporuke, koje se između ostalog odnose i na pohađanje poludnevnog boravka djece u vrtiću, te navodite da ćete o istom informisati majku djece.


Shodno navedenom, obavještavamo Vas da je sistem EMIS predškolsko omogućio upis djece u predškolske ustanove u **cjelodnevni ili poludnevni boravak shodno odabiru kojeg će napraviti roditelj** u skladu sa Zakonom o predškolskom odgoju i obrazovanju u Kantonu Sarajevo („Službene novine Kantona Sarajevo“ broj: 26/08, 21/09, 33/21 i 31/22) i članom 5. stav (5). Pedagoških standarda i normativa za predškolski odgoj i obrazovanje („Službene novine Kantona Sarajevo“ broj: 46/16, 12/21 i 20/22).

S
F
t
z
T
c
f
r
12/21 i 20/22).

vni ili
inevni
uputiti
lsko.
u je i
ialno-
lima i
46/16,

S poštovanjem,





Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

OTPREMLJENO

12.06.2023

u
potpis

Broj: 11-03/02-34-31724-10/23
Sarajevo, 07. 06. 2023. godine

PRIVATNA PREDŠKOLSKA ŠKOLSKA USTANOVA
n/r direktora [REDACTED]
email: [REDACTED]

PREDMET: Informacija, traži se


Cijenjeni,

Ministarstvo za odgoj i obrazovanje je Privatnoj predškolskoj ustanovi [REDACTED] nakon zaprimanja Rješenja Općinskog suda u Sarajevu broj: 65 0 P 101 9450 23 Mo, a u vezi dvoje djece sa teškoćama (M.A. i M.D.) dostavilo sljedeće akte:

1. Instrukciju broj: 11-34-31724-8/23 od 10. 04. 2023. godine;
2. Odgovor Ministarstva broj: 11-03/02-34-11036/23 od 13. 04. 2023. godine;
3. Odgovor Ministarstva broj: 11-03/02-34-4316-2/23 od 28. 04. 2023. godine.

Dana 26. 05. 2023. godine Ministarstvo je ponovo zaprimilo akt majke dvoje djece sa teškoćama gospođe [REDACTED] koja nas informiše da PU [REDACTED] nije informisala majku da djeca mogu pohađati cjelodnevni boravak, te da nije ispoštovana sudska mjera osiguranja i da djeca ne pohađaju obavezni predškolski program u Privatnoj predškolskoj ustanovi [REDACTED]. S tim u vezi, pozivamo Vas da u roku od sedam dana od zaprimanja ovog akta Ministarstvu dostavite informaciju na koji način ste postupili prema Rješenju Općinskog suda u Sarajevu, prema gore pobrojanim aktima Ministarstva za odgoj i obrazovanje, kao i prema zahtjevu majke [REDACTED] a u vezi pohađanja cjelodnevnog boravka djece u Privatnoj Predškolskoj ustanovi [REDACTED].

S poštovanjem,



MINISTRICA

Naida Hota-Muminović

Dostaviti:

1. Nalovu
2. a/a

